

organizacija, kao obrađivača propisa, i Ureda Vlade FBiH za zakonodavstvo i usuglašenost s propisima EU u ovom postupku.

Obrađivač propisa dostavlja Uredu prednacrt, odnosno nacrt propisa i prijedlog propisa, sa obrazloženjem i popunjenim instrumentima za usuglašavanje na provjeru i potvrdu usuglašenosti. Nakon što Vlada FBiH utvrdi nacrt, odnosno prijedlog zakona, u parlamentarnu proceduru, uz tekst propisa sa obrazloženjem, dostavlja i instrumente za usuglašavanje.

U obrazloženju Uredbe je napomenuto je usuglašavanju na razini Federacije BiH pristupano postupno, sukladno preuzetim obavezama i prioritetima. Federacija BiH ima veoma bitnu ulogu u procesu europskih integracija.

Naime, veliki broj propisa Europske unije je u mjerodavnosti entiteta (po nekim statistikama čak 70 posto), što praktično znači da se radi o veoma zahtjevnom i dugotrajnom procesu, posebno na entitete koji su dužni preuzeti veliki broj propisa Europske unije.

#### **DOKUMENTACIJA O IP KRIVAJA NA POSTUPANJE NADLEŽNOM TUŽILAŠTVU**

Vlada FBiH je danas usvojila informaciju Federalnog ministarstva energije, rudarstva i industrije o realizaciji zaključka od 1.9.2016. godine koja se odnosi na stanje u IP Krivaja d.o.o. Zavidovići - u stečaju.

Ovo federalno ministarstvo je zaduženo da kompletnu dokumentaciju o IP Krivaja d.o.o. Zavidovići - u stečaju, sa usvojenom informacijom i izvještajem o počinjenju krivičnog djela, dostavi na postupanje nadležnom tužilaštvu.

Zaduženo je i da, u saradnji s Federalnim ministarstvom finansija, sagleda mogućnost realizacije Ugovora o regulisanju statusa i uvezivanju staža zaposlenika IP Krivaja d.o.o. Zavidovići - u stečaju u postupku prodaje imovine stečajnog dužnika, s obzirom da je Ugovor na snazi i proizvodi posljedice po budžet Federacije BiH.

U informaciji je, uz ostalo, a na osnovu dopisa Federalnog pravobranilaštva, navedeno da postoji opravdana i osnovana sumnja da je preuzimanjem duga koji Vlada nije obavezna platiti, naročito za subjekt koji je u postupku stečaja, nanesena velika šteta federalnom budžetu. To ima elemente krivične odgovornosti, a svakako može imati nemjerljive posljedice po budžet FBiH, jer Federalna vlada nema zakonskih obaveza prema radnicima u stečaju.

S tim u vezi, kako je navedeno u informaciji, nadležnom tužilaštvu će biti dostavljen izvještaj o počinjenom krivičnom djelu protiv bivšeg premijera Federacije Bosne i Hercegovine Nermina Nikšića i N.N. lica uposlenika Vlade Federacije BiH, nadležnih za predmetni resor, a zbog postojanja osnovane sumnje da je osobno u svojstvu premijera Federacije BiH, i s N.N. licima u vezi, sukladno njihovoj nadležnosti, inicirao i izvršio radnje koje imaju obilježja krivičnog djela, odnosno udruživanje u organizovani kriminal i korupciju, samovlasti, zloupotrebe službenog položaja i ovlasti, zloupotrebe ovlasti u službenom poslovanju, prevare, krivotvorenja isprava, nesavjesnog rada u službi, na koji način je oštetio budžet Federacije BiH za oko 43.000.000 KM.

U međuvremenu, budući da je Ugovor i dalje na snazi, Vlada FBiH je obavezna ispunjavati njegove odredbe i zbrinjavati radnike IP Krivaja d.o.o. Zavidovići - u stečaju, za šta će pokušati iznaći rješenje.

#### **SREDSTVA ZA FINANSIRANJE PROGRAMA I PROJEKATA KULTURNIH DRUŠTAVA**

Vlada FBiH je, na prijedlog Federalnog ministarstva kulture i sporta, donijela odluke o odobravanju izdvajanja ukupno 180.000 KM utvrđenih Budžetom FBiH za 2016. godinu za finansiranje programa i projekata kulturnih društava.

Na ovaj način odobreno je 40.000 KM za Kulturno društvo „Prosvjeta“, iznos od 70.000 KM za Kulturno društvo „Preporod“, 50.000 KM za Kulturno društvo „Napredak“ i 20.000 KM za finansiranje programa i projekata Kulturnog društva „La Benevolencija“.

Federalno ministarstvo kulture i sporta će s korisnicima zaključiti ugovore o načinu i uslovima korištenja odobrenih sredstava.

#### **IZMJENA ODLUKE O SUBVENCIONIRANJU STUDENTSKOG STANDARDA**

Vlada FBiH je izmijenila Odluku o usvajanju Programa utroška s kriterijima raspodjele sredstava tekućih transfera utvrđenih Budžetom FBiH za 2016. godinu Federalnog ministarstva obrazovanja i nauke za finansiranje studentskog standarda u iznosu od 1.100.000 KM.

Ukupan broj studenata koje subvencionira Federalno ministarstvo obrazovanja i nauke je ostao nepromijenjen, dok je njihov raspored po studentskim centrima za akademsku 2016./2017. godinu drugačiji u odnosu na akademsku 2015./2016. godinu, što je iziskivalo izmjenu Odluke.

Kriteriji za raspodjelu naglašavaju subvencioniranje smještaja i ishrane studenata koji dolaze iz manje razvijenih kantona (Posavski, Bosansko-podrinjski, Kanton 10) i Republike Srpske.

Sredstva će biti dodijeljena na osnovu podataka o broju studenata koje su dostavili studentski centri za akademsku 2016./2017. godinu, i to za subvencioniranje smještaja i ishrane najviše do 199 studenata u Studentskom centru Sarajevo, do 133 studenata u Studentskom centru Sveučilišta u Mostaru, do 34 studenata u Studentskom centru Univerziteta „Džemal Bijedić“ u Mostaru, do 25 studenata u Studentskom centru Univerziteta u Tuzli i do dva studenata u Studentskom centru Univerziteta u Zenici.

#### **IZVJEŠTAJ O AUKCIJI TREZORSKIH ZAPISA**

Vlada Federacije je usvojila izvještaj o zaduženju Federacije BiH po osnovu aukcije trezorskih zapisa održane 22.11.2016. godine.

Na ovoj aukciji ponuđeno je 2.000 trezorskih zapisa nominalne vrijednosti 10.000 KM po zapisu, što ukupno iznosi 20.000.000 KM, s rokom dospijeca 364 dana putem metode višestrukih cijena.

Za vrijeme trajanja aukcije prihvaćene su sve pristigle ponude (četiri) za kupovinu 1.580